



Broj: 02-11-4-4313-10/23

Datum: 16.10.2023.godine

Na osnovu člana 23. stav (3) tačka h) i 24. stav (2) i (3) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za nabavku usluga održavanja opreme iz sistema video nadzora za potrebe Uprave policije Ministarstva unutrašnjih poslova Kantona Sarajevo imenovana je Rješenjem broj: 02/5-1-30-1-3639 od 31.05.2023. godine, u postupku javne nabavke usluga održavanja opreme iz sistema video nadzora, putem ograničenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU O IZBORU NAJPOVOLJNIJEG PONUDAČA I DODJELI UGOVORA

I

Prihvata se preporuka Komisije za nabavku usluga održavanja opreme iz sistema video nadzora za potrebe Uprave policije Ministarstva unutrašnjih poslova Kantona Sarajevo i ugovor za javnu nabavku usluga održavanja opreme iz sistema video nadzora dodjeljuje se ponuđaču:

- Mibo Komunikacije d.o.o. Sarajevo u iznosu od 27.900,00 KM bez PDV-a.

II

Ponuđač će biti obaviješten o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranom ponuđaču Mibo Komunikacije d.o.o. Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

III

Izabrani ponuđač Mibo Komunikacije d.o.o. Sarajevo dužan je da u roku od 5 (pet) dana od dana prijema ove odluke dostavi dokaze navedene u tački 12. tenderske dokumentacije, a koji se odnosi na član 45. stav (2) tačka a) do d).

Dokazi koji će dostaviti odabrani ponuđač mora biti original ili ovjerena kopija i ne mogu biti stariji od 3 mjeseca, računajući od momenta predaje ponude.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-4313/23 od 19.06.2023. godine i Obavještenja o nabavci broj: 16475-2-2-72-3-106/23 od 10.07.2023. godine, proveden je ograničeni postupak javne nabavke usluga održavanja opreme iz sistema video nadzora za potrebe Uprave policije Ministarstva unutrašnjih poslova Kantona Sarajevo.

U skladu sa Odlukom o rezultatima pretkvalifikacije broj: 02-11-4-4313-4/23 od 29.08.2023. godine, za II fazu postupka kvalifikovali su se kandidati: Mibo Komunikacije d.o.o. Sarajevo i Agencija za zaštitu ljudi i imovine Sword Security d.o.o. Sarajevo.

Dana 20.09.2023. godine na portalu javnih nabavki objavljen je poziv za dostavljanje ponuda (II taza).

Komisija je u provedenom postupku konstatovala da su tendersku dokumentaciju za II fazu postupka nabavke preuzeli kvalifikovani ponuđači.

Prema Zapisniku sa otvaranja ponuda, broj: 02-11-4-4313/23 od 05.10.2023. godine, za aktivno učešće u postupku dostavljena je ponuda ponuđača Mibo Komunikacije d.o.o. Sarajevo.

Komisija za nabavku usluga održavanja opreme iz sistema video nadzora za potrebe Uprave policije (u daljem tekstu Komisija) izvršila je pregled i ocjenu dostavljene ponude, te sačinila Zapisnik o pregledu i ocjeni ponuda broj: 02-11-4-4313-9/23 od 16.10.2023. godine, kojim je utvrdila slijedeće:

- da ponuda ponuđača Mibo komunikacije d.o.o. Sarajevo sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjava sve zahtjeve Ugovornog organa.

U postupku je podnesena samo jedna prihvatljiva ponuda i to:

- Mibo Komunikacije d.o.o. Sarajevo sa ukupnom cijenom ponude od 27.900,00 KM bez PDV-a:

te postupajući u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj 66/16) postupak se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

POLICIJSKI KOMESAR
Generalni inspektor policije

Fatmir Hajdarević

Dostaviti:

1. Komisiji za nabavku usluga održavanja opreme iz sistema video nadzora
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a